

Rotaract Club of Aruba a celebra 25 aña sirbiendo comunidad di Aruba



ORANJESTAD - Dia 1 di december ultimo, Rotaract Club of Aruba a cumpli su di 25 aniversario y ta sumamente contento y orguyoso pa tin e honor pa por sirbi e pueblo di Aruba pa 25 aña caba por medio di proyectonan cu ta wordo organisa anualmente. Proyectonan anual manera, Back 2 School, Pasa Pret cu Rotaract, Un P'ami Un Pe, "Aruban Delight"-stand na Fiesta Rotaria, y e seminario You Inc.

Adicional di e proyectonan menciona, Rotaract Club of Aruba ta yuda durante e aña cu varios "Hands-on" projects. Por cierto Rotaract Club of Aruba ta funda riba

e concepto di hands-on cu ta encera e cu Rotaract Club of Aruba ta duna back na e comunidad di Aruba principalmente den forma di labor boluntario na luga di duna placa so.

Pa celebra e di 5 lustro di e club, miembronan a opta pa celebra esaki den un manera unico y special. Diferente generacion di miembro y ex miembronan di Rotaract a reuni hunto cu miembronan di Rotary Club of Aruba pa un bunita causa na unda den forma tradicional a asamblea "25 Care Buckets". E hemchi nan ta consisti di cuminda y cos di bebe mas un tas cu productonan di necesidad y higienico manera pasta di djente y habon. Tambe a in-

clui un set di paña y slof. E "Care buckets" aki a wordo reparti diadomingo dia 18 di December na persona nan den nos comunidad sin hogar. Esunnan cu a ricibi un care bucket a keda masha contento cu e gesto aki. E dia aki tabata tambe un dia di refleho, specialmente cu nos ta cerca di diana di fiesta. Rotaract a haci hopi pa nos comunidad e ultimo 25 añanan y ta spera di por sigui sirbi nos comunidad pa hopi aña mas.

Rotaract Club of Aruba kier a gradici e miembronan y ex miembronan, cu ta traha incansabel riba cada proyecto, pero tambe e sponsornan cu semper tin nan porta habri pa Rotaract. Rotaract kier a duna un danki special na Rotary Club of Aruba cu 25 aña pasa dicidi di funda e club. Y pa a guia y yuda tur miembronan di Rotaract. Danki pa



boso guia y sosten. Specifico pa e proyecto aki, Rotaract kier a gradici nos sponsornan: Oduber Agencies, Burger King, Lucky Group, Kooyman y Aruba Fantasy Tours. Por ultimo un danki special ta bay na Aruba completo pa a acepta nos cu cada proyecto y ta yuda nos, yuda nos comunidad. Si abo ta interesa pa sa mas di

Rotaract Club of Aruba of ta interesa pa ta un boluntario den diferente proyecto di Rotaract Club of Aruba, por contact nos libremente riba nos Facebook page, Rotaract Club of Aruba, of manda un e-mail na: rotaractclubaruba@gmail.com of tuma contacto cu nos presidente actual Kareline van der Linden na 594-7575.

